

春花诗句

1.
芳晨丽日桃花浦，珠帘翠帐凤凰楼。蔡女菱歌移锦缆，燕姬春望上琼钩。
新妆漏影浮轻扇，冶袖飘香入浅流。未减行雨荆台下，自比凌波洛浦游。
——上官仪《咏画》
2.
浅艳侔莺羽，纤条结兔丝。偏凌早春发，应诮众芳迟。——晏殊《迎春花》
3.
游子春衫已试单，桃花飞尽野梅酸。——吴涛《绝句·游子春衫已试单》
4.
碧桃天上栽和露，不是凡花数。乱山深处水萦回，可惜一枝如画为谁开？
轻寒细雨情何限！不道春难管。为君沉醉又何妨，只怕酒醒时候断人肠。
——秦观《虞美人·碧桃天上栽和露》
5.
一陂春水绕花身，身影妖娆各占春。纵被春风吹作雪，绝胜南陌碾成尘。
——王安石《北陂杏花》
6.
梅叶阴阴占晚春。博山香尽玉嶙峋。茶瓯酒碗试濡唇。闲里常愁无伴侣，
老来不是有情人。牡丹天气惜芳辰。——韩淲《浣溪沙》
7.
玉宇暖清禁晓丹，葩色照晴空。珊瑚敲碎小玲珑。人间无此种，来自广

寒宫。雕玉栏杆深院静，嫣然频笑西风。曲屏须占一枝红。且围欹醉枕，香到梦魂中。——张抡《临江仙》

8.有桃花红，李花白，菜花黄。——秦观《行香子·树绕村庄》

9.桃花樱花红雨零，桑钱榆钱划色青。——王洋《题山庵》

10.

年年如燕一还家，又访幽居过水涯。风雨满城春欲暮，山中犹有碧桃花。——范协《年年》

11.

苍山云雨逐明神，唯有香名万岁春。东风三月黄陂水，只见桃花不见人。——刘商《题黄陂夫人祠》

12.知有杏园无路入，马前惆怅满枝红。——温庭筠《经李徵君故居》

13.

幽赏未已，高谈转清。开琼筵以坐花，飞羽觞而醉月。不有佳咏，何伸雅怀？如诗不成，罚依金谷酒数。——李白《春夜宴诸从弟桃李园序》

14.

海棠风外独沾巾，襟袖无端惹蜀尘。和暖又逢挑菜日，寂寥未是探花人。不嫌蚁酒冲愁肺，却忆渔蓑覆病身。何事晚来微雨后，锦江春学曲江春。——郑谷《蜀中春日》

15.

阮肇迷仙处，禅门接紫霞。不知寻鹤路，几里入桃花。晚树阴摇藓，春潭影弄砂。何当见招我，乞与片生涯。——齐己《寄武陵道友》

16.

杏花过雨，渐残红零落，胭脂颜色。流水飘香人渐远，难托春心脉脉。恨别王孙，墙阴目断，手把青梅摘。金鞍何处，绿杨依旧南陌。消散云雨须臾，多情因甚，有轻离轻拆。燕语千般，争解说、些子伊家消息。

厚约深盟，除非重见，见了方端的。而今无奈，寸肠千恨堆积。——沈唐《念奴娇·杏花过雨》

17.

半年留醉待花开，晓去迎春夜始回。风暖慢行寻曲水，天晴远望立高台。亦知无处将诗请，唯得终朝把酒催。今日柳条全弄色，游人相伴看春来。——姚合《迎春》

18.

不到东山向一年，归来才及种春田。雨中草色绿堪染，水上桃花红欲然。优娄比丘经论学，伛偻丈人乡里贤。披衣倒屣且相见，相欢语笑衡门前。——王维《辋川别业》

19.

烟水茫茫，千里斜阳暮。山无数，乱红如雨。——秦观《点绛唇·桃源》

20.野水合诸涧，桃花成一村。——施闰章《过湖北山家》

21.後日重来寒食近，杏花林外见青山。——贺铸《再游西城》

22.

忆昔午桥桥上饮，坐中多是豪英。长沟流月去无声。杏花疏影里，吹笛到天明。二十余年如一梦，此身虽在堪惊。闲登小阁看新晴。古今多少事，渔唱起三更。——陈与义《临江仙·夜登小阁忆洛中旧游》

23.

秋容浅淡映重门，七节攒成雪满盆。出浴太真冰作影，捧心西子玉为魂。晓风不散愁千点，宿雨还添泪一痕。独倚画栏如有意，清砧怨笛送黄昏。——曹雪芹《咏白海棠》

24.

华台陈桂席，密榭宴清真。柏叶犹霜气，桃花似汉津。青尊照深夕，绿绮映芳春。欲忆相逢后，无言岭海人。——陈翊《宴柏台》

25.

世味年来薄似纱，谁令骑马客京华。小楼一夜听春雨，深巷明朝卖杏花。矮纸斜行闲作草，晴窗细乳戏分茶。素衣莫起风尘叹，犹及清明可到家。——陆游《临安春雨初霁》

26.短短桃花临水岸，轻轻柳絮点人衣。——杜甫《十二月一日三首》

27.

半卷湘帘半掩门，碾冰为土玉为盆。偷来梨蕊三分白，借得梅花一缕魂。月窟仙人缝缟袂，秋闺怨女拭啼痕。娇羞默默同谁诉，倦倚西风夜已昏。——曹雪芹《咏白海棠》

28.

国色朝酣酒，天香夜染衣。丹景春醉容，明月问归期。——李正封《牡丹》

29.桃花江上雪霏霏。黄鹤楼中风力微。——张咏《寄晁同年》

30.醉漾轻舟，信流引到花深处。——秦观《点绛唇桃源》

31.

暖映垂杨曲槛边，一堆红雪罩轻烟。春来自得风流伴，榆荚休抛买笑钱。——王禹偁《杏花》

32.

芳草池塘处处佳，竹篱茅屋野人家。清明过了桃花尽，颇觉春容属菜花。——王之道《春日书事呈历阳县苏仁仲八首·其一》

33.

八月西风动地来，枯株衰卉惨地苔。如何春色花王品，独对霜威御史开。冷艳自然欺竹柏，清香足以荐樽罍。岂非千里宠羸俗，召得阳和暗里回。——韦骧《八月二十四日州牡丹》

34.春来遍是桃花水，不辨仙源何处寻。——王维《桃源行》

35.

何处哀筝随急管，樱花永巷垂杨岸。东家老女嫁不售，白日当天三月半。
。——李商隐《无题四首·其四》

36.

偶园小有菜花开，一雨今朝著屐来。草色入帘槐荫午，双双胡蝶立苍苔。
。——李鹤年《即事》

37.

灯山昨梦叹匆匆，便恐新春过眼空。千缕未摇官柳绿，一梢初放海棠红。
。金羁络马闲游处，彩笔题诗半醉中。流落天涯何足道，年年常策探花功。
。——陆游《初春探花有作》

38.

两株桃杏映篱斜，妆点商山副使家。——王禹偁《春居杂兴·两株桃杏映篱斜》

39.

此别不可道，此心当语谁。春风灞水上，饮马桃花时。误作好文士，只应游宦迟。
。留书下朝客，我有故山期。——李端《留别故人》

40. 千万求方好将息，杏花寒食的同行。——王建《留别张广文》

41.

粉淡香清自一家，未容桃李占年华。常思南郑清明路，醉袖迎风雪一杈。
。——陆游《梨花》

42.

两岸桃花烘日出，四围高柳到天垂。——姜夔《浣溪沙·山滴岚光水拍堤》

43.

湖上老人坐矶头，湖里桃花水却流。竹竿袅袅波无际，不知何者吞吾钩。
。——常建《戏题湖上》

44.
朝日开衙暮散衙，略无一刻及春华。偶过县舍坡陀外，随分春风领菜花。
。——叶子奇《县舍即事》
45.
四海应无蜀海棠，一时开处一城香。晴来使府低临槛，雨后人家散出墙。
。——薛能《海棠》
46.
画堂帘卷张清宴，含香带雾情无限。春风爱惜未放开，柘枝鼓振红英绽。
。——郑谷《牡丹》
47.
风暖仙源里，春和水国中。流莺应见落，舞蝶未知空。——齐己《桃花》
》
48.
片霞照仙井，泉底桃花红。那知幽石下，不与武陵通。——钱起《蓝田
溪杂咏二十二首·石井》
49.
柳色烟光正斗青，桃花落尽杏花惊。风从窗眼空中入，雨在檐前滴到明。
。——白玉蟾《春雨》
- 50.风吹梅蕊闹，雨红杏花香。——晏殊《临江仙》
- 51.他年我若为青帝，报与桃花一处开。——黄巢《题菊花》
52.
近来无奈牡丹何，数十千钱买一颗。今朝始得分明见，也共戎葵不校多。
。——柳浑《牡丹》
53.
好风吹绽牡丹花，半合儿揉损绛裙纱。——关汉卿《双调·新水令·楚

台云雨会》

54.

故人虽薄宦，往往涉清溪。凿牖对山月，褰裳拂涧霓。游鱼逆水上，宿鸟向风栖。一见桃花发，能令秦汉迷。——殷遥《友人山亭》

55.

溪上残春黄鸟稀，辛夷花尽杏花飞。始怜幽竹山窗下，不改清阴待我归。——刘长卿《晚春归山居题窗前竹》

56.杏花未肯无情思，何事行人最断肠。——温庭筠《杨柳枝》

57.

伯牙琴绝岂求知，往往情牵自有诗。莜月正当寒食夜，春阴初过海棠时。耽书未必酬良相，断酒唯堪作老师。多病不任衣更薄，东风台上莫相吹。——薛能《春日书怀》

58.君行四月草萋萋，柳花桃花半委泥。——纳兰性德《送荪友》

59.

去年曾看牡丹花，蛺蝶迎人傍彩霞。今日再游光福寺，春风吹我入仙家。当筵芬馥歌唇动，倚槛妖羞醉眼斜。来岁未朝金阙去，依前和露载归衙。——刘兼《再看光福寺牡丹》

60.

东风吹柳日初长，雨余芳草斜阳。杏花零落燕泥香，睡损红妆。——秦观《画堂春·春情》

61.

东城渐觉风光好。縠皱波纹迎客棹。绿杨烟外晓寒轻，红杏枝头春意闹。浮生长恨欢娱少，肯爱千金轻一笑。为君持酒劝斜阳，且向花间留晚照。——宋祁《玉楼春·春景》

62.

篱落疏疏一径深，树头花落未成阴。儿童急走追黄蝶，飞入菜花无处寻。
。——杨万里《宿新市徐公店》

63.

擎玉花头取次妍，鞞红从此不论钱。如何未入明皇梦，已醉高吟李谪仙。
。——张扩《次韵谢李簿送白牡丹》

64.

桃花百叶不成春，鹤寿千年也未神。秦陇州缘鹦鹉贵，王侯家为牡丹贫。
。歌头舞遍回回别，鬓样眉心日日新。鼓动六街骑马出，相逢总是学狂人。
。——王建《闲说》

65.

谁言行旅日，况复桃花时。水即沧溟远，星从天汉垂。川光独鸟暮，林
色落英迟。岂是王程急，偏多游子悲。——林滋《蠡泽旅怀》

66.

油菜花开满地金，鸫鸟声里又春深。闾阎正苦饥民色，畎亩长怀老圃心。
。自有牡丹堪富贵，也从蜂蝶谩追寻。年年开落浑闲事，来赏何人共此襟？
。——王守仁《和董萝石菜花韵》

67.

杨柳千寻色，桃花一苑芳。风吹入帘里，唯有惹衣香。——张祜《胡渭
州》

68.

紫蕊丛开未到家，却教游客赏繁华。始知年少求名处，满眼空中别有花。
。——李益《咏牡丹赠从兄正封》

69.

记得杏花寒食候，紫箫红袖宿江楼。——刘炳《望丹阳郭经杨子桥·暖
风晴日丹阳郭》

70.

百千万树樱花红，一十二时僧楼钟。——黄遵宪《不忍池晚游诗·其五》

71.

海棠珠缀一重重。清晓近帘栊。胭脂谁与匀淡，偏向脸边浓。看叶嫩，惜花红。意无穷。如花似叶，岁岁年年，共占春风。——晏殊《诉衷情·海棠珠缀一重重》

72.

闻道潜溪千叶紫，主人不剪要题诗。欲搜佳句恐春老，试遣七言賒一枝。——黄庭坚《王才元舍人许牡丹求诗》

73.

春雨暗暗塞峡中，早晚来自楚王宫。乱波分披已打岸，弱云狼藉不禁风。宠光蕙叶与多碧，点注桃花舒小红。谷口子真正忆汝，岸高瀼滑限西东。——杜甫《江雨有怀郑典设》

74.借问酒家何处有？牧童遥指杏花村。——杜牧《清明》

75.

一陂春水绕花身，花影妖娆各占春。纵被春风吹作雪，绝胜南陌碾成尘。——王安石《北陂杏花》

76.

莲漏三声烛半条，杏花微雨湿红绡。——纳兰容若《浣溪沙·莲漏三声烛半条》

77.野店桃花红粉姿，陌头杨柳绿烟丝。——赵孟頫《东城》

78.

花红易衰似郎意，水流无限似依愁。——刘禹锡《竹枝词·山桃红花满上头》

79.

桃花灼灼有光辉，无数成蹊点更飞。为见芳林含笑待，遂同温树不言归。
——苏颋《杂曲歌辞·桃花行》

80.

万木皆未秀，一林先含春。此地独何力，我公布深仁。霜叶日舒卷，风枝远埃尘。初英濯紫霞，飞雨流清津。赏异出器杂，折芳积欢忻。文心兹焉重，俗尚安能珍。碧玉妆粉比，飞琼秾艳均。鸳鸯七十二，花态并相新。常恐遗秀志，迨兹广宴陈。芳菲争胜引，歌咏竟良辰。方知戏马会，永谢登龙宾。——孟郊《南阳公请东樱桃亭子春宴》

81.

露圆霞赤数千枝，银笼谁家寄所思。秦苑飞禽谙熟早，杜陵游客恨来迟。
空看翠幄成阴日，不见红珠满树时。尽日徘徊浓影下，只应重作钓鱼期。
——温庭筠《自有扈至京师已后朱樱之期》

82.

绣闺深培养出牡丹芽，控银钩绣帘不挂。——乔吉《双调·新水令·闺丽绣闺深》

83.茂绿林中三五家，短墙半露小桃花。——谢枋得《觅茶》

本文链接：<https://duanjuziku.com/duanjuzi/4ijf6x2jf3.html>